

"Niha chatohanai ne, raotojoein itarai rucuecuruha ne jaannu", nain aitiin laeneratecure La Asamblea de las Naciones Unidas canaacaanu que, cana temurau nenacauru-cocoinanacaihuri 10 janoniha disiembere ne bana, 1973 ajaanaa ne bana. Nitohaneein ichacuruhane baihate aitoroatecure cana temurau nenacauru-cocoinanacaihuri itolere sacutaain escoela cuhane ereretaain beebejeuruha satiin nerelanacaauru leiijiin inejeein cautelanaalane coina.

SATIIN CAA CHAURUATANE QUE NENACAAURU CACHAAURU RAI RAUHI

Nunue

Satiin, cachaauru raite ne rauhi. Nii jaun, nainiheí chaque ereein nihacane jaannu, jiniiquiin, raotojoein, ita cailichanaa coauquelanaala, rauhij iriin nenea j erichaache ne. Nitohanai coitucuhin neniha cachaauruna jaunte, ita cailichairiin nihane, ichaoore cachaauru. Nii jaunna, neruujiha saain, itolere cachauru ne jerichaanu; itolere raotojoein ichaohin aúiihaneein, niicha esenetai esenetaain, niicha coacui que ereerejeein, naojoaain niha cachaauru ne jerichaanu.

Saain acaauru cachaauru corojatanemii, saain itolere gobiernooru, nabana aiha nejerateein, naojoaain niha rai cachaauru ne coataa.

Caohachaaín ita coaraain, naajoaain neeuruhine leeocho gobierno aina itolere caa chauruatane sacutaain nenacaauru gobiernooru.

"Caohatoha naain jeriha laurilaurichuru nenacaauru gobierno, caa canaacaanu aitoojooan que na jaun, uain caohachaaín cachaauru corojatj anecurumii te, caoachaaín neruujeein neeuruhine.

"Caohatoha carai," naain ereeuri gobiernooru, esiahen rauhijiriin, caa aitocoaanu ne rijijieein tonoraain ichacurumiite raotojoein jianacoo nenea nainecurumii, saain rai cachaauru.

Nii jaun te, caohachae saain itolere neein coitucuruha saain cachaauru ne caohachae, rauhij iriin ichacuruhane coina.

CARITIIN TE AITUCURE LAURILAU RICHURU CAJE UNACAAURU CURAANAACURU ITA TAOJIAIN

Nii jaun, itolere sacutaain cachaauru relauruhinete, coitucuhin, "Naojoaain te chuís ne cana rai rauhi," naain coticuuhine cachaauru laurilaurichuru nenacaauru. Nitohaneeinte, jeraaen cuujuein nitohaniha cureein.

Artículo 1.

Ita rijijicha itolere cacha. Aihana jaun, ita belaaín, naojoain neeuruhine laurilaurichuru nenacaauru aina itolere cachaauru.

Artículo 2.

Satiin cachauru raite ne, jericha nejeein acaauru rai rauhi, ita jeloón cuhin. Nii jaun, nihei chatohaneein, jichojoai, bacauha, ijiaen, jorio, batirichuru, coriqui neba, cailichai cacha, cocoamo, shipibo, acoarona, saain niichuru te jericha nejeein ne, acauru rai rauhi.

Artículo 3.

Aihana jaunte ne, satiin cachaauru rai rahui, raotojoein rohecaeraelanaala, jerihane tocohanein ichaoha cacha ne coina.

Artículo 4.

Aihana jaun, nijjiaonriha atebihaen rai cha que erenaa rijitiin, namute cacha letoain niha cachaaaurune.

Artículo 5.

Jiaonriha chunei cacha cunaitain, naojoain neeuruha cocoinanacaihurine.

Artículo 6.

Cha rijijiein teein ti neseeu nenacaauru que suujua acatein caohachaaín raaure. Nii rijijiein chu joanreein nirljleln nenacaauru cachaauru- nuna cocoaicha naojoain que suujua acatein caohachaaín coaraain naojoain neeuruhine cocoinanacaihuri.

Artículo 7.

Joaanreein cacha, niha acaauru rai chatohanai ine, cocoinanacaihuri rai ereeuruhinete, acaauru corojatanemii cocoinanacaihuri te aitoa caa rauhi ne riJJlJleln neine cachaauru rai rauhi.

Artículo 8.

Rauhijiriin caa erenaa tonoraain ichacureniha cocoinanacaihurine acaaru curaanaa rai beeuruhine cachaaaurute, rucuecuruhine acaauru aina acaauru curaanaa.

Artículo 9.

Jiaonriha, atiín joanreein leera colane cacha mucuhin caresero cuhane teein, naojoain neeuruha cocoinanacaihurine. Chaen chu, coa nii natane caje sitaaln, leeocho ataneu letoauruha cocoinanacaihuri,

joenreein leera colane.

Articulo 10.

Satiin cachauru raite ne rauhi, casetecaa cocoinanacaihurine ajiiniha ereein naojoaunruha en coina. Baaso ichaain, chatohaneein cache basijiauhin naojoaain neeuruha cocoinanacaihurine leeocho cocoinanacai, n ii cocoinanacai arai nihei, que rucuerateeuruhine cachaauru. Chaen chu chatohaneein cocoinanacaihuri rai chatohaneein ichaain asijiauhin, naojoaain niha cache ne, jericha nejeein leeocho cocoinanacai, nii cache arai nihei cocoinanacai que rucuerateeuruhine. Chaen nii neruujue bana, aonaa ne coina turuha cache ne, jiaonriha sitaain, naojoaain niha cocoinanacai te neruujija nii ine aonaain, neeuruhine cachaauru.

Articulo 11.

Caohachaa, rucujuelanaala cache casetecaain niha cocoinanacai ine. Caohachaain coitucuhin, "Esihaen te chuhisi, baaso ichae," naain caohachaain coitucuera lanaala joenreein cache casetecaain niha cocoinanacaine caohachaa.

Jiaonriha jaiti cocoaerae nihane jana chatohanai ichaa cache ne mucuhin neeuruha cocoinanacaihurine.

Articulo 12.

Satiin cachauru coaramii cocoinanacaihuri. Nabana leijiiin cache nenajau turuhin reroecanaa coacuhin ninahuene. Aca te naojoaain, n e chu aansaainecin ne, "naain joenreein que ereein ita reroecanaa coacuhin naojoaain neeuruhane, nabana cocoinanacaihuri netonai nii esenetaain, cache reroecanaa coacuruha ne coataa. Jiaonriha chu chaen, leijiiin cache rai, letono quiricha raain, coaraain naojoaunruha nejelaauru ne.

Articulo 13.

Niha rauhi, satiin cache rai, chunijiu ichaonaa jerihana jaun ichaoha ne coina.

Chaente chu ne, satiin cachaauru rai rauhi, chunijiu atane cuhin ichaonaa jeriha ne ichaoha cuuruha ne coina. Chaen te chu ne, acaauru rai rauhi, jeliha natane caunaa jerecuruha ne, caauruha ne coina.

Articulo 14.

Niha rauhi, niha reroecaera natane ne, chunijiu nejelau atane cuin raotojoeein ichaauruha cachaauru ne jaan nu.

Jana, chatohaneein soserena necin, asijiauto necin, naojoaain niha cache ne, nihei rai rauhi, nejelau atane cuhin soroha ne coina.

Articulo 15.

Satiin cache rai te ne rauhi, nataneu-nenacaauru laurijira niha ne baiha nejelau atane nenacaauru laurijira niha cuha cache ne.

Niichuru jericha nejeein nataneu caoachaain coaracuruha naraichuru ne rijijiein caoachaain coaracurumii nejelau atane nenacaauru.

Articulo 16.

Niha rauhi, ita rijijiein ichauhena neeuruhane, ene aina ita raain naajoaunruha cachaauru ne jaan nu. Jericha nejeeinte quicha rai niha rauhi ne rijijiein, ne, enecuru rai rauhi. Coa chu chaen, chatohaneein bacauha, cocoamo, ijiaen, naajoaainejeein ranaa jeriha joenreein, ene, quicha, naajoaaine, coa caohateeuruha.

Aca jeria ne jana, jereniha nii ene ne jana, raa cache ne, caohachaa.

Ene raain niha quicha ne, coaracurumiin cocoinanacaihuri; nabana charijieinejeein ita que nererojoeaain ita jianecuruha ne coataa.

Articulo 17.

Satiin cachauru rai te ne rauhi, rai rucuheleeeuru, rai atane, naajoaain erora necin niha ne coina.

Chaen chu, joenreein coreniha rai rucuheleeeuru, rai atane, naajoaain caje sitaanaa nainihe cache, nihei cocoinanacaihuri niha natiin.

Articulo 18.

Niha satiin cachauru rai rauhi, Cana Coanera ere esenetaain tonorana jeriha ne, tonoraauruha jianacoo necin cha que tonajelanaala ne coina.

Articulo 19.

Niha chu chaen rauhi cachaauru rai, niicha coacui, cachauru rai beein, naajoaunruha ne coina. Nainihe nii coreniaa acaauru mucuhin niha cocoinanacaihuri ne.

Articulo 20.

Niha chu chaen, cachaauru rai rauni ita taojiaain chaelai que ereereena jerecuruha ne, ichacuruha chaelai que tonajelanaalane coina.

Niha chu chaen, cachaauru rai rauhi, ita taojieraauru aina nena jereniha ne, cuheniha ne coina.

Articulo 21.

Niha chu chaen, cachaauru rai rauhi, necoriha cocoainacaine jerecuruha ne, "Aca aca nemii", naain leijiin coaraain aca jeriha cachaauru ne aca cocoainacainein neme.

Niha cachaauru rai rauhi, "Aca aca nemii," naain ereeuruha saain cachaauru ne coina.

[Missing?]

Articulo 22.

Niha satiin cachaauru rai rauhi, roeroecaerae lanaala, raotojoein neeuruha cachaauru ne coina. Niha acaauru roeroecaera ne, acaauru coroatajaneine acaauru gobierno.

Articulo 23.

Niha chu rauhi amihaniha cachaauru ne coina. Niicha rautaa amihanenaa coaraain que amihaneeeuruha cachaauru ne coina. Niicha rautaa amihanenaa coaraain que amihaneeeuruha cachaauru ne coma.

Chaen chu, ita rijijiein amiania cache ne, ita rijijiein core raauruha ne te, caohachae.

Raujiaain caohachajeein canaauruhine amihanenacaaurute, raotojoein sinij iera aina jiniiquiin, bereecuru aina raotojoein ichaooruhine chacaauru.

Niha chu cachaauru rai rauhi, niha chatohanai, ne, ita taojiaain jiniiquiin fatoroon aina rucuecuruha ne coina.

Articulo 24.

Niha chu rauhi, le janonaa cuhane nesuruhin basijiin nebetacaain naajoaain neeuruha cachaauru en jaan nu. Niha chu cachaauru rai rauhi carajaain amihaneeeuruha ne, acaauru rai nebetacanaa tiha fatoroon core aina ne coina.

Articulo 25.

Niha chu chaen rauhi, biinaa, camotojoe, canaanaihuru, cunaitenacaauru, naajoaihunri coroatajaniha gobierno ne coina. Nabana escoela que lanaain, nabana itolere que lanaain neeuruha itolere cachaauru ne coataa.

Chaen chu, leeochoaauru coroatajaniha ne amuritoheriin, jelai neein canaanai siirichaauru enecuru coroatajaneine, nii beree aina curuaecaain gobierno. Chaen chu ujuateje rijijiein, nenacaauru canaanaihuru coroatajaneine gobierno.

Articulo 26.

Niha satiin cachaauru rai rauhi, core colane nirijiein nerelaain naajoaain, quiricha inain naajoaain niha cache ne coina.

Chaen escoela cuhane nerelaauruhine itolere que, raotojoein j iniiquiiin, ichaonaa nijianai que, nerelaauruhine te, joanreein bacauha aina nia natiin, raotojoein ichaooruhine.

Niha rauhi, bereecuru rai, niicha rautai escoela coaraain, cuu bereecuru tecin naajoaain niha inacaauru ne jaan nu.

Articulo 27.

Niha chu chaen, cachauro rai rauhi, niha besta ne, niha chatohanaine, ita taojiaain, naajoaain neeuruha cachauro ne, cunaa jerei cuhin, naajoaan ne coina.

Niha rauhi, cachaauru rai, chatohanai niicha coitucui ichaain que necoreteein core raa cachaauru ne coma.

Articulo 28.

Satiin cachaauru rai te ne rauhi, esihaen raujiriin caa rauhi cuhane aitoa ne rijijiein.

Articulo 29.

Chaen chu, ita coroatajaneeeuruhine cachaauru, ita acatiha tacaain.

Nihe, chunei cache rai rauhi, leeocho cache rai rauhi que nererojoecaain niha cache ne jaan nu.

Chaen chu, nainihe caa icharaauru aina nererojoecaain niha cachaauru ne jaan nu.

Articulo 30.

Nainihei chu, chunei gobierno, atane curuanaa, naaojoaain niha natiin, caa rauhi ichara nichaanu ne aina nererojoeaain neeuruha ne jaan nu.